



Uunga: Hans Enoksen, Naleraq  
Inatsisartunut ilaasortaq

### § 37 naapertorlugu apeqqummut nr. 180-2024-mut akissuteqaat

Inatsisartut Suleriaasianni § 37, imm. 1 naapertorlugu KNI A/S-imi siusinnerusukkut naatsorsuutini peqquserluttoqarsimanera pillugu Naalakkersuisunut tullinnguuttuni saqqummiunneqartunik apeqquteqarputit. Apeqqutigineqartut tullinnguuttuni akineqarput.

**Apeqqut 1. KNI A/S-imi koruunit mio. untrilikkaat arlallit akigalugit nalikilliisaasariaqarnerit allatigullu, annaasaqaataasussanngorsimatillugit, ilaatigut peqquserlussimarpasinnerit patsisigalugit, taakkua aningaasaqassut-sikkutmatussuserneqarnissaannut qanoq iliuuseqartoqarnikuaa, qanorlu siunissamut iliuuseqartoqassava?**

**Akissut:** Matumani § 37 naapertorlugu apeqqutigineqartut akinissaannut atugassanik KNI A/S-imit akissutissanik pissarsiniartoqarsimavoq, imatullu akissuteqarpoq:

*"KNI A/S-ip uppemarsarsinnaavaa taamani ingerlatseqatigiiffiup naatsorsuutaanik peqquserlunnerit kingunerisaannik namminerisamik aningaasaatit 2020/21-mi naatsorsuutini annertunerusunik nalikillineqarnikuusut. Naatsorsuutini peqquserlunnerit kingunerisaannik KNI-mit aningaasaatinik tigoriaannarnik tammartoqarsimangilaq, taamaammatt atuisut maannakkut siunissamiluunniit tamatuma kingunerisaanik akit qaffannerannik artukkerneqassanngillat.*

*KNI A/S-imi siornatigut naatsorsuuserinermut pisortaasimasoq KNI A/S-imi katillugit 5,3 mio. kr.-nik peqquserluuteqarsimasutut unnerluutigineqarnikuuvoq. Suliaq saqitsaanermut inatsit naapertorlugu aalajangiiffigineqarpoq, tassanilu KNI A/S ilalerneqarpoq. Maannakkut aningaasanik akiliisitsiniartoqarpoq suli naammassinngitsumik.*

*Naatsorsuuserinermut pisortaasimasoq ukiuni pingasuni inissiisarfimmiittussatut eqqartuunneqarsimanera pissutigalugu pillaasarnermut inatsisitigut aamma kinguneqarsimavoq. Suliaq naatsorsuuserinermut pisortaasimasumit pinngitsuutinneqarnissamik piunasaqarluni suliareqqitassanngortinneqarpoq.*

*Hans Enoksenip tunngavilersuinermini siuliani apeqqummut KNI A/S-imut siunissami tunngavissat pillugit Naalakkersuisut aamma KNI A/S-ip akornanni oqaloqatigiinnermut innersuussimmat oqaloqatigiinneq suli ingerlasoq sulilu naammassineqarsimangitsoq ilisimatitsissutigineqarsinnaapput. Oqaloqatiginneq naatsorsuutini peqquserlunnernik imaluunniit peqquserluuteqarsimanermik aallaaveqanngilaq, taakkua pisisartunut kinguneqanngimmata. Nioqqutissanik immikkoortortaqaarfimmi aqqissuussaannikkut sinaakkutit kingunerisaannik unammillernartut taakkua, KNI-llu 2023/24-mut ukiumoortumik nalunaarusiaani annerusumik nassuiaatigineqartut aqqiissutissarsiorneqarnissaat oqaloqatigiinnermi ukkatarineqarput. Ukiumoortumik nalunaarusiaq KNI-p nittartagaani [www.kni.gl-imi](http://www.kni.gl-imi) aaneqarsinnaavoq."*

13-08-2024

Suliap normua: 2024 - 99

All. normua 24356584

Postboks 1015

3900 Nuuk

Oqarasuaat (+299) 34 50 00

Fax (+299) 32 50 02

Mail: govsec@nanoq.gl

www.naalakkersuisut.gl

|

**Akinik akitsuussisariaqartoqarsimappat, sorpiaat akitsorsimasut pilersaarutaasimasullu nassuiaateqarfigeqquneqarput.**

Akinik misissuinerit, nassuiaatillu § 37 naapertorlugu apeqqutitigut akineqarneq ajorput. Naalakkersuisut paasissutissiissutigisinnaavaat, Nioqqutissanik Immikkoortortaqaarfimmi nioqqutissat akiinik misissueqqissaarnissap suliniutigineqarnissaa sulissutigineqarmat. Misissueqqissaarneq naammassineqarpat tamanut saqqummiunneqassaaq.

**Apeqqut 2. Naalakkersuisut aamma/imaluunniit KNI A/S aningaasaqarneranut attuumassuseqartumik allamik saqqummiussassaqaqarpat? Paasissutissaateqarunik kisiannili isertuunniarneri aalajangiusimallugit, aalajangernermit tunngavilersuutaasut nassuiaatigeqquneqarpoq.**

**Akissut:** Naalakkersuisut allanik ilassutissaqaqngillat.

KNI A/S-imit akissutissanik pissarsiniartoqarmat, ima akissuteqarpoq:

KNI A/S-imi aqutsisut apeqqummut 1-imut akissut innersuussutigaat.

Inussiarsunermik Inulluaqqusiffunga



Múte Bourup Egede